

Predmet : Zastupnička **INICIJATIVA**

Datum: 26.12.2025. godine

Uputiti:

-Predsjedavajući Skupštine Kantona Sarajevo

-Memorijalni centar Sarajevo

Na osnovu Poslovnika Skupštine KS, upućujem inicijativu Memorijalnom centru Sarajevo za mapiranje i obilježavanje-postavljanje info tabli na ključnim tačkama, na ratnoj trasi puta "92-95" od mjesta Ahatovići-Bioča-Trešnjice -Zenik–Ratkovci/Kralupi (Visoko).

Obrazloženje:

Početkom agresije na Bosnu i Hercegovinu "92–95", usljed potpune ili djelimične blokade glavnih saobraćajnih pravaca i opsade Sarajeva, Armija Republike Bosne i Hercegovine, zajedno s civilnim stanovništvom, bila je primorana koristiti alternativne, izuzetno rizične i improvizirane ratne trase radi opstanka, logističke podrške i očuvanja teritorijalne povezanosti slobodnih područja. Jedna od takvih trasa bila je navedena dionica koja je služila kao logistički i komunikacijski pravac.

Ova trasa prolazila je kroz izuzetno težak planinski i šumski teren, često pod stalnom prijetnjom minskih polja, zasjeda i neprijateljskog djelovanja. Kretanje se uglavnom odvijalo pješice, u noćnim uslovima i uz ljudske žrtve.

Mapiranje i obilježavanje navedene ratne trase predstavlja moralnu, historijsku i društvenu obavezu prema svima koji su, u najtežim uslovima, dali doprinos opstanku države Bosne i Hercegovine i odbrani njenog glavnog grada. Ova inicijativa nije samo čin sjećanja, već i poruka budućim generacijama o cijeni slobode, značaju istine, kao i turističke promocije.

Tražim od Memorijalnog centra Sarajevo da inicijativu što prije uzme u razmatranje, pripremu i realizaciju.

S poštovanjem

Zastupnik Elvis Vreto

Narod i Pravda